



Republika e Kosovës
Republika Kosova
Republic of Kosovo



Komuna e Istogut
Opština Istok
Istok Municipality

12Nr.74/22

**Drejtoria për Kulturë, Rini dhe Sport
Direkcija za Kulturu Omladinu i Sport
Department of Culture Youth and Sports**

Istog, 23.08.2022

Drejtoria e Kulturës, Rinisë dhe Sportit, Komuna Istog në bazë të rregullores (K.IS) 42/2014 për ndarjen e Subvencioneve si dhe në bazë të rregullores MF – Nr. 04/2017 për kriteret standardet dhe procedurat e financimit publik të OJQ-ve shpallë:

Thirrje publike për ofrimin e mbështetjes financiare publike për financimin e projekteve/ programeve të, OJQ-ve në fushën e Kulturës, Rinisë dhe Sportit

1. Komuna e Istogut u bënë thirrje të gjitha organizatave jo-qeveritare të regjistruara në Komunën e Istogut dhe programi i punës i cili është i fokusuar në fushën e sportit, kulturës dhe rinisë të aplikojnë për mbështetje financiare për projektet që kontribuojnë në zhvillimin e Kulturës, Rinisë dhe Sportit.

2. OJQ-të në përputhje me këtë thirrje publike mund të aplikojnë me projektet/programet e tyre për aktivitetet e mëposhtme:

SEKTORI I RINISË DHE KULTURËS

- Programi i aktiviteteve të Qendrës Rinore për ngritjen e kapaciteteve si dhe aktiviteteve të parapara në planin e aktiviteteve gjatë licencimit.
- “ Cmimi letrar Dr. Ibrahim Rugova”

SEKTORI I SPORTIT

- Klubet që janë të kualifikuara për gara ndërkombëtare.

3.Dokumentet kryesore të cilat ofruesi i mbështetjes financiare do të kërkojë të dorëzohen nga OJQ përfshijnë:

OJQ-të duhet ti sjellin këto dokumentacione:

- Kopjen e letërnjoftimit të drejtuesit të OJQ-ës apo dokument tjetër identifikues valid;
- Certifikata e regjistrimit të OJQ-së;
- Certifikata e nr. fiskal;
- Vërtetimin/Konfirmimin e llogarisë bankare të lëshuar nga banka përkatëse (nuk pranohet kopje e kartelës bankare);
- Vërtetimin që OJQ, nuk ka obligime tatimore (nga ATK)
- Projekt propozimin së bashku me Aplikacionet (Të dhënat e organizatës dhe Projekt propozimi si dhe dokumentacionet tjera të nevojshme Formularët e paraparë sipas thirrjes);

Klubet Sportive duhet ti sjellin këto dokumentacione:

- Certifikata e regjistrimit të OJQ-së (Klubit);
- Certifikata e nr. fiskal;
- Vërtetimi/Konfirmimi i llogarisë bankare të OJQ-së (nuk pranohet kopje e kartelës bankare);
- Kopjen e letërnjoftimit/ pasaportës të përfaqësuesit të OJQ-së;
- Vërtetimin që OJQ/klubi/shoqata nuk ka obligime tatimore (nga ATK)
- Projekt propozimin si dhe dokumentacionet tjera të nevojshme formularët e paraparë sipas thirrjes);

KRITERET PËR PJESËMARRJE NË THIRRJEN PUBLIKE PËR SUBVENCION, SI DHE KRITERET E PRANUESHME

- Të drejtë aplikimi kanë OJQ-të, Klubet sportive të cilat janë të regjistruara në Republikën e Kosovës dhe të cilat veprojnë në Komunën e Istogut para datës së publikimit të thirrjes publike;
- Klubet sportive, OJQ-të të cilat veprojnë në Komunën e Istogut dhe realizojnë aktivitetin e tyre në Komunën e Istogut;
- Klubet sportive, OJQ-të mund të subvencionohen vetëm një herë brenda vitit për të njëjtin aktivitet
- Klubet sportive, OJQ-të të cilët nuk kanë përmbyllë raportin e subvencioneve të viteve paraprake nuk kanë të drejtë të përfitojnë nga subvencionet e Komunës së Istogut në këtë thirrje;
- Të mos kenë pranuar mjete nga burime të tjera të financimit për të njëjtat aktivitete brenda të njëjtit vit fiskal,
- Të mos ekzistojë ndonjë konflikt interesi në mes të aplikuesit, përkatësisht përfaqësuesve/udhëheqësit të aplikuesit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës;
- Kriter i pranueshëm të qendra rinore është financimi i burimeve njerëzore që lidhen direkt me projektin.
- Nuk financohet inventari.
- Përkrahën vetëm garat zyrtare të organizuara nga federata përkatëse evropiane siç janë: Kampionate evropiane apo Botëror të klubeve, Ligë Evropiane, Cup Evropiane,
- Përkrahën vetëm ato klube që janë kualifikuara për të përfaqësuar Kosovën në garën të organizuar nga federata evropiane e sportit përkatës, kjo duhet të dëshmohet nëpërmes vërtetimit të lëshuar nga federata e sportit përkatës e Kosovës që klubi është kualifikuar për garën e caktuar;
- Nuk përkrahën turnet e ndryshëm të hapur dhe më ftesa që nuk janë gara zyrtare të federatës përkatëse Evropiane,
- Shpenzimet e mundshme:
 1. Pagesat ndaj federatës përkatëse evropiane
 2. Akomodim dhe ushqimi për skuadrën refer dhe delegat ndërkombëtar
 3. Transport për skuadrën , refer dhe delegat
 4. Mëditjet për refer dhe delegat
 5. Pajisje me viza udhëtimi për skuadrën
 6. Shpenzime direkte të organizmit të garës kur gara zhvillohet në Istog

5.Shuma minimale e mbështetjes financiare për një projekt 1500,ndërsa shuma maksimale për projekt është 10.000 euro

Shuma totale e thirrjes: 16.500 euro

6.Afati i fundit për dorëzimin e propozimeve është së paku 15 ditë pune nga dita e publikimit të thirrjes publike përkatësisht dita e fillimit është 23.08.2022,ndërsa dita e fundit për dorëzimin e propozimit është me datën, 13.09.2022 ora:16:00.

7.Të drejtë aplikimi kanë OJQ-të që janë të regjistruara në regjistrimin e organizatave joqeveritare të Republikës së Kosovës,në Komunën e Istogut.

Para nënshkrimit të kontratës, OJQ-të duhet të paraqesin prova se personi përgjegjës në OJQ dhe menaxheri i projektit nuk është në hetime për vepra penale si dhe prova se OJQ-ja ka zgjidhur çdo çështje të hapur rreth pagesës së kontributeve dhe tatimeve të pa paguara, nëse është e aplikueshme.

8.Propozimet do të dorëzohen vetëm ne formularët e paraparë me kopje fizike, të cilët janë në dispozicion në faqen e internetit të komunës së Istogut.

Dokumentet e kompletuara duhet të dërgohen me post ose personalisht, në zarf të mbyllur në zyrën e QSHQ (qendra për shërbim me qytetarë) në adresën “Komuna Istog, rruga Fadil Ferati, 31000”.

Procesi i pranimi, hapjes dhe shqyrtimit të aplikacioneve, kontraktimi, dhënja e fondeve, koha dhe mënyra e parashtrimit të ankesave, trajtimi i dokumenteve dhe kalendari tregues i zbatimit të thirrjes janë të detajuara në rregulloren per subvencione. Do të konsiderohen për mbështetje financiare vetëm projektet që janë të pranuar brenda afatit të paraparë me këtë thirrje publike dhe të cilat i përmbushin plotësisht kushtet e përcaktuara të thirrjes publike.

9.Të gjitha qështjet që lidhen me thirrjen publike mund të sqarohen vetëm në mënyrë elektronike,por jo më vonë se tetë(8) ditë para mbylljes së thirrjes publike, duke dërguar email në adresën eliane.blakaj@rks-gov.net